

GENESIS.

guhkeemahgudoon emuh uhkeeng, kuhya enewh nwahkush-lukin mahnekahnewungin, kuhya metigoog mahnewejig andusswahkoosid metig azhemenewid, debishkoo azhemetigoowid peenjuhycëeng atanig oomenekaunun oomah uhkeeng: me dush ewh kahezhewabuk.

12 Mesuh mushkoosewun kahezhesahgukkeemahguk emuh uhkeeng, kuhya enewh nwahkushkukkin kahezhemenekaunewungin debishkoo azhenookushkuk, kuhya metik mahnewid peenjuhycëeng atanig oomenekaunun debishkoo azhemetikoo-wid : Kesha-Muhnedoo dush oogeminwabhundaun.

13 Oonahgooshe dush kuhya kekezhahb kenesoomezhegud.

14 ¶ Kesha-Muhnedoo dush keëkedoo, Tahahgoojinoog kezisoog emuh mezhuh-kezhikoong chenanuhwenuhmoowaud keezhik kuhya tebig ; kuhya kekenoowahjechegunun chekekenoowahduk neebin kuhya pepoon, kuhya kezhegudoon kuhya kekenoonoowinun.

15 Kuhya tahähsahwug emuh mezhuh-kezhigoong chekezis-oowewaud chewahsashkuhmoowaud uhkee : me dush kahezhewabuk.

16 Kesha-Muhnedoo dush oogeöözheäun neezh keche-kezisoon ; kache-mindedoonejin kezisoon cheöögemahkundahmenid ewh kezhik, kuhya enewh agahsheënejin cheöögemahkundahmenid tebig : kuhya dush ahnungoon oogeöözheäun.

17 Kesha-Muhnedoo dush oogeähsaun emuh mezhuh-kezhigoong chewahsayang oomah uhkeeng.

18 Kuhya cheöögemahkundahmenid kezhik kuhya tebig, kuhya chenanuhwenuhmenid ewh wahsayahzewin kuhya ewh puhsuhgeshkezewin : Kesha-Muhnedoo dush oogeminwabhundaun.

19 Oonahgooshe kuhya kekezhahb kenewoo-kezhagud.

20 ¶ Kesha-Muhnedoo dush keëkedoo, Nebeeng suhtahoondahdezewug mashenoogig bamahdezejig mamahjezig, kuhya penasewug pabahmesajig emuh uhkeeng ewede ishpeming mezhuh-kezhigoong.

21 Kesha-Muhnedoo dush oogeöözheäun keche-mesuhmagwun, kuhya kuhkenuh bamahdezenenjin mamahjenenjin, kachemeshenoonejin emuh nebeeng, ahnooj azhenahgoozenenjin, kuhya kuhkenuh pabahmesanenjin penasewun ahnooj azhenahgoozenenjin ; Kesha-Muhnedoo dush oogeminwabhundaun.

22 Kesha-Muhnedoo dush oogemenoo-guhnootaun ooo dush keënaud, Ashkum bahtukyenöoyook, kuhya meshenooyook,